


叢書集成續編 第二三七冊目錄

史地類



中國中部地理

南巡廬從紀略一卷	清 張英撰	昭代	一
南遊記一卷	清 孫嘉淦撰	山右	一五

中國北部地理

三志合編七卷	清 黃本驥輯	三長物齋	二九
朝邑韓志一卷	明 韓邦靖撰		三三
武功康志三卷	明 康海撰		四二
靈壽陸志節本三卷	清 陸隴其撰		七七
營平二州地名記一卷	清 顧炎武撰	槐廬	一〇七
河汾旅話四卷	清 朱維魚撰	枕碧樓	一二九
據鞍錄一卷	清 楊應琚撰	藕香	一六一

中國西部地理

蜀輶紀程一卷	清 文祥撰	遼海	一七五
鐘藏道里新記一卷	清 張其勳撰	邈園	一八七
西征賦一卷	清 李祖惠著	昭代	二〇七
濠池行稿一卷	清 祁韻士著	山右	二二五

中國西南部地理

蠻司合志十五卷

滇黔紀遊一卷

清 毛奇齡撰 紹興先正 二三七
清 陳鼎撰 說 鈴 三六一

中國東北部地理及其地方史

遼東志九卷附解題一卷校勘記

明 畢恭等修 遼 海 三七五
明 任洛等重修
日 稻葉品吉撰

高鳳樓

許麟英撰

明 李輔等修

全遼志六卷附校勘記一卷

高鳳樓撰 遼 海 五四一

許麟英撰

扈從東巡日錄二卷附錄一卷

清 高士奇撰 遼 海 七五七

2259/06

南巡扈從紀畧

南巡扈從紀畧

續編卷第七

桐城張英敦復著

己巳正月初八日

駕南巡是日宿南溝驛 扈從第一日出正陽門至

南海子

上同

皇太子及 諸皇子在南苑射獵申時後南發宿

南溝驛予同靜海以一鼓始抵行在羽衛寂靜

因各尋帳房余先一日曾遣輜重僮僕帳幕至

昭代叢書

戊集

南巡扈從紀畧

一

世楷堂藏板

宿處相候此時昏黑中見家人來迎深幸有即

次之安俾其指視而彼已恍惚不能記憶原處

蓋千幕一色空曠之地頃刻又增營幕最難記

識又軍中例不許高聲呼喚至夜尤嚴故但低

聲問之有頃一僕遠聞疾趨而前蓋已越數十

幕倉卒來迎一旋轉間而彼又茫然矣飢疲已

極求息肩不可得又越數刻始得達帳房已漏

下三鼓矣 帳房牀褥飲食器具大約載一車

中車日行不能百里營中例

御前行李未行雖王公輜重馬馱俱不得越予輦

僮僕車輛更迂遲每日

御營駐札之地車輛大約至日落後始到予輦皆

先藉草以候營中最難得水近地井泉皆中官

用龍袂蓋罩以備

御用惟十餘里外者始許衆汲及飲馬日落後僕

馬始齊第一件是飲馬取水水至然後烹茶炊

飯時已三鼓支幕支牀畧得就枕將五更又起

撤幕啓行予輦侍從近臣又於 行在營前祇

昭代叢書

戊集

南巡扈從紀畧

二

世楷堂藏板

候至

上安歇後始散天未明則又詣 行在矣

初九日宿齊漕

初十日宿馮家莊

十一日過河間宿劉家莊

十二日過獻縣宿阜城縣是日

駕至河間屯有獻麥穗二歧三歧者以示從臣

十三日宿德州

十四日宿平原縣之南是日

詔免山東來年租稅

十六日過濟南 扈從至濟南是日五鼓啓行

百五十里始至

上觀趵突泉予乘馬隨侍衛同到奔突之時屢濱于

險又隨至巡撫署中

上觀珍珠泉池四圍甃以石縱可四五丈橫可六七

丈清泉澄澈中有游魚大者二尺小者數寸鱗

鬣皆見時有珠湧起池旁有

御筆清漪二字乃甲子年書池後一亭

昭代叢書

成集

南巡扈從紀畧

三

世楷堂藏板

上御亭命諸臣題匾咸謝不敏再三命之予書澄懷

二字錢塘書口口二字靜海書洗心二字子振

甲書澡志二字張運青書口口二字衛爾錫書

觀瀾二字陳廣陵固強之不肯書

上自書作霖二字予寫字時

上顧 諸皇子曰看他用筆

十七日宿泰安州

詔給嶽神祠廟祝每年香稅銀四百兩

十八日宿浮邱

二十日宿郟城

二十一日宿蒙陰

二十二日宿紅花鋪

二十三日宿宿遷予隨

駕以申刻至宿遷縣

上出城南門過五壩堤指顧中河甚狹後又至支河

口

上席地坐出地圖指示晚始歸 行在

二十四日宿清江浦自宿遷五鼓啟行岸上行

昭代叢書

成集

南巡扈從紀畧

四

世楷堂藏板

四五十里聞

上已登舟予輩四五人亦登舟然舟行稍遲又五六

十里聞

上已登岸予輩又登岸行至清河已將日落蓋是日

行二百餘里余僅僕八人皆不及止隨一僕牽

一馬予令其前尾之而行先是予與京江厚菴

運青同行予整馬濕衣而諸君已疾馳予力追

之不能及至清河聞

上已渡河且令侍從臣皆于今日渡予攜一僕三馬

至河邊已昏黑正無可如何有禮部筆帖式在此相候予遂偕之渡河留三馬一僕于沙泥間以待後人予與筆帖式坐南岸先是曾記禮部侍郎席君預遣人于清江浦覓船此時亦不得消息筆帖式有一僕亦能幹令彼往尋之久而不至筆帖式又自往少頃其僕來云已得船船上人且提鐙卽來而筆帖式又茫然矣將二鼓筆帖式始至予同船上人提小鐙籠尋至行在時

昭代叢書

戊集

南巡扈從紀畧

五

世楷堂藏板

御舟桅鐙已落昏黑無所見予令提鐙人却後獨自往暗中見侍衛皆藉草或坐或臥問部院扈從諸臣云已散又問答者爲誰云是總督予遂同船上人步行至舟中與席君舟相隣彼炊黍相待飯訖有一僕以被褥從宿遷水路行是時渡河尋至舟中得小憩明日聞黃河邊馬陷泥中予僕馬幸無恙

二十五日宿清河是日

詔蜀江南歷年述賦

二十六日宿清水潭是日薄暮有風
二十七日宿寶應之南
二十八日宿瓜洲是日經維揚見閭閻之間供帳甚盛

上命撤之

二十九日辰刻渡江 扈從登金山飲第一泉
舊傳第一泉在江中今并在山半非是
上乘舟至焦山予輩不能往

三十日宿丹陽

昭代叢書

戊集

南巡扈從紀畧

六

世楷堂藏板

二月初一日至常州

初二日至無錫

駐蹕黃婆墩時已暮墩上懸鐙數百盞下映河水甚可觀次早

上至秦家園觀惠山泉予同京江隨至秦園時梅花盛放登天香樓看殊爛漫有大山茶一株高二丈亦作花朱殷千朶與梅相映園中有樟樹大十圍

上問留仙曰汝家老樟樹無恙否又問此樹幾何年

對曰此園在臣家二百年在前原有此樹不知其年也園中多林木清池居中縱橫可八九丈堂間亭榭環之疊假山爲谿谷水從谿谷入池時折玉蝶梅大枝貯餅中予從主人索梅插餅時

駕已回主人因此一枝爲贈

初三日至蘇州隨

駕過念齋門首念齋率二子迎

駕予下馬一揖而去至行在于衆中見孝儀原少

昭代叢書

戊集

南巡扈從紀畧

七

世楷堂藏板

鈍菴輩寓于朱家念齋以家人阿二相隨是日

暮七弟來

初四日宿蘇州登虎邱是日過念齋七弟同晤

孝儀

初五日宿念齋分雲亭

駕至光福之日予與京江坐小舟攜阿二隨行至木

濱

上已登岸乘馬予輩無馬且過木瀆水甚淺幸舟小

可曳之行至山下漸漸見梅花村落予與京江

步行聞此地去聖恩寺尚有六七里勉力行三里餘足疲不能進正喘息間見三人乘小兜來阿二前指揮令下彼猶逡巡阿二叱之遂下予與京江因各坐小兜其一攜之以與同官席公因問阿二此爲誰云是吳縣吏胥見尊官不下是以此之至聖恩寺

上尚在馬家山看梅花未至予輩欲往少頃傳呼曰駕至矣因同京江坐聖恩寺前銀杏樹下部院諸公及地方大僚咸在時已日暮寺中方丈皆

昭代叢書

戊集

南巡扈從紀畧

八

世楷堂藏板

御前人住公侯戚畹及部院諸人皆尋下院安宿

予與京江及同官席公皆坐小兜命阿二引之

之念齋墓園昏黑中行四五里穿樹林中行問

阿二皆隣園之桑桂至分雲亭予家居時念齋

寄書索書分雲亭匾取放翁白雲一半肯分吾

之句今果來一宿亦前定也阿二命莊人具雞

黍時三人所攜襪被無多從莊人借以助之黑

夜微雨京江及席公皆就寢予命莊人持炬徧

看園樹詣繆年伯墓前一拜又看繆氏祠堂皆

修潔整齊分雲亭乃念齋廬墓所居此地梅桂
爲盛雜花亦有春秋時率妻子來住一兩月亦
佳話也

初六日天未明詣 行在候

駕

上以辰刻出聖恩寺門門外古松與梅花相間前臨
太湖山翠湖煙可謂佳勝

駕行後予與京江以未到馬家山爲歉與人頗不以
爲勞且慙慙之僮僕皆不願行予與京江又慮

昭代叢書

戊集

南巡扈從紀畧

九

世楷堂
藏板

僮僕相祖命之舟中相待只京江有一楊長隨

與頗豪願從之倉猝間忘攜雨具予與京江坐

兩兜子行至董墳而雨甚然松翠欲滴溪山幽

絕極爲可觀及至馬家山雨大作山畔看梅銀

海百頃洵爲大觀惜無駐足之地有一小別業

頗幽邃叩門避雨花徑小池竹籬蘿幄有舫屋

三間中題雲壑藏舟爲汪鈍菴筆舫南一小樓

登樓則梅花皆在檻外山光盤互湖光映帶可

稱幽境主人姓汪筆硯琴尊亦楚楚爲客具茶

果坐片晌雨少止因坐行輿過光福登舟舟過

木瀆京江終以未登靈巖爲歉與人乃木瀆人

又慙慙之予以疲乏辭京江遂登靈巖予徐步

至松間山半亭看西施洞西施履跡望箭菴河

指消夏灣去靈巖山寺亦不遠倚徙間京江下

山同歸舟中厚犒輿人遣之急放舟行

駕已之吳江是日隨到吳江已深夜吳甥來晤宿吳

江

初七日宿斗門

昭代叢書

戊集

南巡扈從紀畧

十

世楷堂
藏板

初八日宿塘栖

初九日到杭

駕至杭州之日各官乘馬隨至 行在

上已登吳山急往從之是時二月中旬天氣甚熱予

輩皆衣重裘不及脫及步登吳山喘息不可當

因坐路傍神祠中運青在茶肆買茶呼飲之此

時從官皆雜遝僞伍豈知越數日遂爲此地撫

軍也

初十日

駕之西溪予未從

十一日住杭州

十二日大雪

十三日渡錢塘隨

駕渡錢塘之西與渡上小舟由蕭山到紹興時已日

暝聞

上已之禹陵急掉船往至行在已一鼓次早天未

明

上展祭禹廟從之禮畢觀窆石亭山川幽秀林木蔥

昭代叢書

戊集

南巡扈從紀畧

七

世楷堂藏板

舊二十年前曾一往今復扈從至思前事如

夢境

駕入紹興登臥龍山暮登舟次日至西興渡予舟人

有心疾以勞而發誼叫不知人事予恐近行在

急命之去予宿京江舟中

十四日祭禹陵回至西興渡宿

十五日過雲栖靈隱暮登舟過西湖宿西興之

次日渡錢塘

駕未入城便之雲栖予往紹興時曾僱一舫子此時

得一管馬一老兵相隨例營馬止許自騎只得

以舫子命余二坐之令稍遠尾之而行遂由錢

塘江岸上行度向後無從得食因同京江運青

厚菴覓路傍一小別業飯而後行將入山口有

邨落數家過此則岡阜環抱景物幽邃去雲栖

二三里修竹喬松夾路綠陰蒙密至洗心亭溪

水澄湛

上至雲栖寺諸臣咸從因幸後竹園琅玕萬樹蘭蕙

滿山樹色青蔥頗似初夏

昭代叢書

戊集

南巡扈從紀畧

三

世楷堂藏板

天顏甚悅因過虎跑泉

上取泉水飲之至靈隱寺予輩皆坐冷泉亭移時

上之淨慈寺登湖山亭入城予同京江輩爲東川相

留飯於西廊僧房飯畢至湖上于岳墳前同京

江運青厚菴東川輩僱一小舟登舟風作撐舟

者兩童子儼蕩不可忍客皆恐然僕馬已先遣

于錢塘門候舟又不可行至孤山各倉皇登岸

命人追僕馬不可得因步行孤山岸上運青厚

菴如闕帝廟看玉印出曰非真東川號曰此去

錢塘門水路直岸上紆迴將十餘里待諸君步
至已深夜門且闔矣相對莫知所指東川識土
人又覓一舟遂櫂至錢塘門僕馬在焉急入城
到中途則見各衙門筆帖式奔馳相召云
上久已回 行在傳喚漢人無一人到者急詣 行
在侍衛傳

旨云朕雖到杭州並未于湖上設宴卽一飯亦未曾
進惟飲虎跑泉水一勺耳汝等所知勿令後人
口實也衆皆惶恐失次至三鼓始散

昭代叢書

戊集

南巡扈從紀畧

卷第七

世楷堂
藏板

十六日宿金河

十七日宿吳江

十八日宿蘇州隨

駕至蘇州諸臣中有言我輩宜稍稍宴會何事大腐
板予與京江輩遂治具虎邱邵院諸臣皆往早
間曾免侍衛轉

奏然止于清謳列席平遠堂中予道經念齋之門
遂至雙泉草堂園地視舊稍拓杏樹曩時種者
今已喬木山茶正開玉蝶滿放留連片晷見兩

于皆秀發一飯而去約明日同京江再來遂之
虎邱是時人家皆賣幽蘭遂買數莖置舟中此
十九日事也

二十日邵院諸公以昨遊未暢遂僱舟覓梨園
予與京江欲踐念齋之約私念拙政園此番不
可不到遂命阿二先驅至拙政園已數易主
日就荒圯惟堂後山茶猶在然已顛顛溪亦不
甚濶溪北有土山山多喬木有樓已就傾園中
桂甚大亦百年物因見隣園古木修竹極盛詢
知是王園並叩門請觀中多奇石較拙政園稍
小亦年久荒蕪憑眺移時方至念齋家甫入大
門念齋迎謂曰有筆帖式在此相尋云

上傳甚急予與京江急坐肩輿行輿人以疲乏告原
擬于念齋宅少休強之行遂之 行在滿諸公
皆未至蓋彼已移舟出閭門外矣少頃陸續踰
跚而至云我輩已登舟演劇有乘輿者有乘馬
者輿馬皆散去演會真記法聰紅娘方出聞急
召從船窗上跳出顧輿在而輿夫無有強舟

昭代叢書

戊集

南巡扈從紀畧

卷第七

世楷堂
藏板

子擡輿舟子不諳不能疾行遂步行又念步行
安能致遠于是又登輿轉覺遲緩頓足怒罵亦
無可如何相視莫不大笑少頃傳 召見
上諭曰浙江巡撫已革職今用張鵬翮彼在兗州做
太守有賢名汝輩以爲何如衆皆對曰甚善然
後散京江始終未履念齋之園僅于大門一揖
而已

二十一日從蘇州至常州

二十二日到無錫過惠泉再過秦園又之鄒園

昭代叢書

戊集

南巡扈從紀畧
卷第七

五

世楷堂
藏板

二十三日到丹陽

二十四日宿句容

二十五日雨至江寧從

駕自丹陽登陸先是京江爲予僱輿夫四人又于營
中借得二馬行未十餘里雨大作石路泥滑不
可行予與京江各坐肩輿去句曲十里天已黑
風雨交至燈火不可持輿人一步一跌二鼓時
抵句曲飢疲已極次早從句曲至江寧百餘里
人馬踐蹋泥滑不可言

駕行又甚速京江棄輿乘馬急從之予所乘馬驚甚
其勢必顛蹶因復乘輿午刻雨如澍輿中衣履
盡濕然得此大雨洗滌泥土過淳化關稍霽輿
夫始可行日未暮抵 行在

二十六日至金陵之次日

上詣明太祖陵致祭予輩從之

上行禮誠敬奠酒三跪九叩嚴肅異常命諸臣皆于

牌樓前下馬真千古帝王之盛事也享殿寶城

宛然無恙松楸原鹿咸得其所守陵太監 賜

昭代叢書

戊集

南巡扈從紀畧
卷第七

六

世楷堂
藏板

以銀百金

親慰勞之此事可法千古回從機房遂登城週覆舟

山至後湖時湖上駐綵舟以備遊覽

上盡驅之止坐小舟一泛湖卽

諭總督曰此綵舟可卽撤去勿謂朕所

御後遂不用也

上于酉刻幸觀象臺甫出門問曰欽天監穆成格在

乎侍衛對曰喚來時穆成格在寓

上御步輦行甚緩予輩乘馬從將至觀象臺下又問

衆對曰穆成格來矣少刻予馬上見敦住向後
行未久見敦住步來知其爲喚穆成格也予輩
至山半下馬

上在亭上予同京江厚菴輩隨之日將暝

上顧問之際但見敦住跪奏其意似穆成格不能來
者

上指南極星問予曰南極到江南纔見果然又指衆

星問李厚菴良久而穆成格未至

上已知其墜馬曰無妨否侍衛對曰無妨

昭代叢書 戊集 南巡扈從紀畧 卷第七

世楷堂藏板

上曰可以酒沃之

上意已覺其創重而予輩初不覺但訝其久不來耳

又徘徊久之

駕始回傳令昏夜謹慎予輩遂不敢乘馬下山步行

至平地攬轡緩行次早聞穆成格已故蓋平地

緩行墜馬不知其何以傷重也 賜銀百金以

歸其輓

駕至金陵之次日卽傳

諭北旋金陵百姓數萬集 行在前懇留因

諭再留二日是日出南門至報恩寺

上登浮圖予輩皆在佛堂祇候

上既下從

駕諸公欲登

上立而觀之予將登

上問曰向來常登此否對曰曾登數次

上笑曰既登矣何用再登予稍退

上曰既至此亦須一登遂至九層看

御筆所書額

昭代叢書 戊集 南巡扈從紀畧 卷第七

六

世楷堂藏板

駕旋從至文德橋時巷陌皆有鼓吹

上命停之遂登舟命予輩亦登舟時兩岸河房觀者

萬人

上舟至則跪于檻內人家皆結綵張燈焚香舟過往

返將一里許復登岸

上顧問總督曰此無乃煩擾百姓對曰秦淮風俗舊

來如此彼間

駕至皆歡喜鼓舞雖禁之亦不能也

上至燕子磯登舟渡江是日免江寧房稅歡呼動地

予與京江滿司寇圖諱納司空蘇諱黑總憲馬諱齊少宰傳諱喇塔少宗伯席諱爾達同舟是日風不順舟逆浪借風而行倏而南岸倏而北岸東往江心經大浪數十餘橫行二十餘里實只行二三里俗謂之跌檣申時望見

上舟已將至金山而予輩所乘之舟相去十餘里風浪大作舟中人皆大恐京江與予乘一小舟欲其依北岸而行滿諸公又橫舟而南及返仍在小舟之側予所乘小舟又顛簸不可行問舟人

昭代叢書

戊集

南巡扈從紀畧

九

世楷堂藏板

此處離瓜洲不過十里京江遂決意登岸步行滿諸公或去或從徘徊不定天時已將暮風益起決從陸行五六里已昏黑從田家覓火炬各家人持之行至息浪菴已二鼓甚飢僧人出粥一盂豆腐一盤食之甚甘稍偃息于禪房時

上舟已抵金山懸燈數百盞照江如白日至五鼓急渡江詣行在乃三月初二日也是日至揚州初四日至清江浦換船北行

十八日抵天津衛舟行運河之速未有如此者

蓋舟小而繹夫多聞皆啟晝夜兼行故無遲留也

三月十九日

駕從天津已登陸予輩舟始至京中僕馬來迎次子直沽已時同京江登陸行至楊村天已將曉聞駕已過武清道黑不可辨從村中呼老叟相送不肯行探青蚨百文與之始同行二鼓至武清叩破寺門炊豆粥充飢土鎰畧憩聞滿洲諸公宿于城北已啟行遂同京江攜僕馬遶城而行星光

昭代叢書

戊集

南巡扈從紀畧

十

世楷堂藏板

微月一望皆荒草無一村一人可以問道但遙聞一牛車聲漸聽漸遠約畧行三十里兩僕雨馬攜行李衣褥尾之而行忽而落後渺不可見此地曠僻多盜意必有失同京江下馬坐草間命一僕從來路尋覓呼之數百聲不可得遂同上馬又行五六里見一驅牛車之人時已五鼓說汝等行錯此是武清往南非向北路問此處離武清遠近曰不過十里蓋中夜行四十餘里皆錯也于是向北行十餘里天漸明始見村落

杏花盛開已時行至一村飢甚風大作遂同入
草舍炊飯各食少許風愈急馬不可行勉力衝
突砂石飛揚不見馬首行十餘里風漸定然馬
亦疲乏屢臥塵土申時至京師詣

乾清門請安是三月二十日也蓋

上以十九日子天津登陸二十日即進京師滿洲諸
臣于巳時到予同京江以申時到

昭代叢書

戊集

南巡扈從紀畧

七

世楷堂
藏板

南巡扈從紀畧跋

張文端公南巡扈從紀畧附刊于雋素堂文集文筆
謹嚴雅潔洵堪與董玉虬

恩賜

御書徐果亭恭迎

大駕兩記並峙集中尚有恒產瑣言聽訓齋語更爲
典慤惜卷帙稍鉅弗克並錄壬子重九日震澤楊復
吉識

孫中梓爰琴校字

昭代叢書

戊集

南巡扈從紀畧跋

七

世楷堂
藏板

